

福建叢書 第一輯之六

福建省文史研究館編

明·晉江
黃克纘撰

數馬集

(二)



福建叢書 第二輯之六

福建省文史研究館編

明·晉江
黃克纘撰

數

馬

集

(二)

江蘇廣陵古籍刻印社

數馬集卷之十二

溫陵黃克纘紹夫著

詩

歸州有懷

宋玉多才媿楚臣
苦將詞賦擬靈均
襄王一夢醒何處
神女千秋色動人
夾岸啼猿巴峽曉
連峰飛雨渚宮春
招魂本是離騷派
讀罷離騷淚滿巾

昭君村二首

十二巫峰昔降神明妃艷色更無倫玉顏一見
君雖惜總作陽臺夢裏人

其二

手抱琵琶出漢宮昭君馬上淚珠紅自甘白骨
埋青塚羞把黃金買畫工

曉發夷陵道

萬峰東下勢初平野色蒼蒼接郢城月送雞聲
三戶曉霜沾馬足九秋輕虛無雲雨襄王館搖
落江山陸遜營莫問武安征戰事夷陵灰冷不

勝情

玉泉山關將軍廟

是雲長被害處

高構祠堂俯碧泉英雄曾記建安前
淒風入座髯猶奮赤日當空膽正懸
生死總歸扶漢室興亡何處問皇天
獨憐血灑舟山日便作千秋廟祀年

玉泉寺

勝地藏金冊清溪湧玉泉高丘仍漢末
寶刹自唐前塔影寒秋月鐘聲散曉烟
名山分四絕雅

詠古今傳

當陽懷古

井邑蕭蕭郢上游居人猶自說曹劉情牽赤子
甘同敗志復炎精蹶不休宇宙卽今無蜀魏英
雄千古只山丘臨風欲問霸圖事沮水無聲日
夜流

荆門九日懷蜀中僚友

故人別來久客路況高秋未覺三巴遠難同九
日游望雲疑劍閣對月憶刀州莫把雙魚阻汶

江晝夜流

夜宿曾司空故宅

上卿曾綰司空綬兼秩亦承少保恩今日故居
成傳舍高樓寂寂對秋原

登黃鶴樓

縹緲飛樓出郢都山川檻外見披圖乾坤此地
中分楚江漢千年迥入吳九月風高黃鶴杳一
天秋淨白雲孤夕陽紅處烟波濶好泛扁舟向

五湖

望軒轅臺

在君山上

鼎湖龍去幾千秋一抹君山水面浮欲向軒轅臺上望北風吹浪不勝愁

小喬墓二首

在巴陵城外相傳周郎鎮巴丘小喬卒葬於此

夫婿東吳美少年玉顏傾國古今憐休將粉黛悲塵土埋盡英雄是此阡

其二

銅雀高臺久寂寥周家少婦骨全消當年吳女曾歸蜀豈向阿瞞惜二喬

岳陽樓望洞庭湖

洞庭秋更好四望碧氤氲岸遠烟波失山浮氣
象分晴光宜浴日寒色易成雲欲泛滄浪去洲
中杜若芬

初入長沙遇雨志喜

三秋苦不雨全楚久咨嗟朝暮盼浮雲惟見虹
與霞我自巴蜀來日日苦風沙征帷熱不捲道
路阻以遐長沙舊卑濕遠在湘水涯守臣所分
地蕭條百萬家嗟予望雨情何異病渴茶曉入

瀟湘路暝色忽交加暮雨連千里處處見鳴蛙
自慙巾墊角敢道雨隨車籬菊變黃英園蔬長
綠芽冬寒田可麥山深人自畲薄暮憇郵亭頻
聞村鼓櫓陸行飽稻粱水宿足魚蝦天功豈敢
貪聊將雨澤誇

自湘陰歸邵陽道中書懷

褰帷幾度此經過續食其如赤子何漫採歌謠
思召伯懶將詞賦平湘娥東風吹凍宵仍合茅
屋凝霜曉更多雙鬢欲蒼猶自苦故山回首負

雲蘿

湘鄉道中

時將北行

村村農事急
湘西驛騎春
愁半尺泥山
雨飛時
平仲綠林烟
暝處鷓鴣啼
峰連衡嶽鴻
皆北路
向燕臺馬自
嘶欲採民風
大東國蕭蕭
杼柚不堪題

長沙莊太史

天合

邀遊譚大將軍

敬承

林園四

首

水國瀟湘勝名園
薜荔香將軍辭
細柳詞客賦

長楊烟雨千竿竹
菰蒲百畝塘
觀魚有莊子
此地日徜徉

其二

歛衣穿竹徑
三五小亭幽
望處疑園盡
行邊覺樹稠
高拙石上笋
暗度棧間流
明發愁車馬
徘徊戀勝遊

其三

烟光飛四座
暮色一尊寒
露氣花枝重
風聲竹葉乾
賦逢枚馬作
劍傷斗牛看
興劇登臺望
依

稀漢將壇

其四

朱公曾霸越歸去不談兵橘柚洲中暗園林郭
裏清壯心青鬢在佳句白蘋生終負滅胡志無
勞甲第營

觀察楊公招遊清源南臺同用紅塵二字

二首

嵯峨石壁倚晴空樓閣新開面面風東去江流
長自繞南來山勢故爭雄林垂丹荔輕霞外橋

卧蒼波落照中擬向扶桑觀日出留連坐待海
大紅

其二

松逕陰陰爽氣新仙家風景淨無塵洞中日月
閒今古座上峰巒共主賓蒼海潮來涼滿袖夕
陽嵐下濕沾巾山公饒有高陽興相約重尋峴
首春

宿州道中

直北川原接翠微舊遊風物自依依雲生芒碭

中天紫龍起江淮帶雨飛處處河渠勞未息村
村農畝事多違何人爲恤閭閻隱回首鍾離是
帝畿

出都門貽京中一二同好

天上鴛鴦歎離羣都亭驛騎又紛紛西山碧樹
深含露北闕金莖迥入雲髣髴染霜華人遠別陣
迷秋色鴈中分南遊不是瀟湘謫江上應無吊
屈文

晚秋西湖泛舟夜歸二首

茫茫烟水泛孤舟
蕩漾青山影半浮
翠栢黃花秋自好
白蘋紅蓼晚生愁
有時獨叫霜前鴈
無數驚飛渚外鷗
爲問孤峰棲隱士
伊誰同結採真遊

其二

山含秋色氣蕭蕭
水接晴風近復遙
簫鼓中流諸谷應
帆檣極浦衆星搖
潭深疑有蛟龍窟
岸遠如浮鳥鵲橋
古寺禪燈半明滅
數聲清梵下岩堯

秋暮武夷九曲泛舟

溪路陰陰冷夕暉綠潭澄徹水聲微洞雲深闕
仙人籙山翠新裁玉女衣夾艇衆峰愁欲墮凌
空片石勢疑飛東方向晚生明月半壁清光送
客歸

開東封使歸感事賦詩十首

何處妖氛盛滄溟縹緲間乘風舟易至望日路
知還昔弱侵沿海今強據金山朝鮮禮義國時
事正多艱